

Lebanese Problematic Fi zikra loubnan al kabir Post

١٠٠ سنة على الجمهورية ...

١٠٠ سنة من مداواة المشكلة بلا تشخيص...

١٠٠ سنة من اعتبار الاستثناء بصلح ليكون قاعدة...

١٠٠ سنة من التكاذب لتلطيف الامور وتفادي مواجهة الحقائق لتفادي الانفجارات، التي لحقت بنا في كل مرة،

لحد ما ضاعت المعطيات العلمية بين الاقاويل الشعبية فصار التشخيص أصعب...

١٠٠ سنة على غصب المسلمين بفكرة "لبنان" وغصب المسيحيين بفكرة "العروبة..."

١٠٠ سنة من الاستقواء بالفرنساوية بعدان عبد الناصر والأمريكان بعدان الفلسطيني والسوري فإسرائيل فايران...

ف١٠٠ سنة من محاولة تعريب المسيحيين ولبننة المسلمين...

١٠٠ سنة من محاولة غسيل ادمغة وَلّ اليوم ما حدا قنع حدا...

مين قادر يواجه الحقيقة علمياً وحبياً من اجل السلام؟

مين قادر يميّز بين بلد ووطن؟

مين قادر يميّز بين دين وطائفة وقومية وأمة وشعب ويعرف اي هني متل بعض؟

مين قادر يميّز بين جنسية وهوية؟

مين قادر يميّز بين الهوية الجماعية والهوية الفردية؟

مين فاهم دينو مزبوط (اقل شي العناوين العريضة)؟

مين فاهم دين غيرو مزبوط (اقل شي العناوين العريضة)؟

مين فاهم تاريخ لبنان مزبوط (بالحد العلمي الادنى)؟

مين فاهم تاريخ "طايقتو" مزبوط؟

مين قادر يميّز بين اختلاط بناء وانصهار غير مرغوب؟

مين قادر يوضّح موقع "اللادينيين" (ملحدين / لاقدريين وسواهم) ضمن طوايفن او اذا هني خارجها؟

مين قادر يشرح العلمنة علمياً بجوانبها الكثيري ونحن بحاجة لشو؟

مين قادر يميّز بين علمنة ومدني؟

مين قادر يميز بين نظام مركزي ونظام فدرالي وتقسيم / كونفدرالية؟

مين قادر يميز انو الفدرالية ما بتتعارض مع العلمنة؟

مين قادر يميز بين الديموقراطية العددية البسيطة والديموقراطية المركبة؟

مين قادر يميز بين العيش المشترك (انّو عيش واحد للكل) والتعايش المشترك (اي كزا عيش حد بعض)؟

ويلي بيطرحو حلول للبلد، رغم طيبة قلبن وسعيّن للسلام، هل فكّروا بكل هل اشيا؟؟

والمشكل الاكبر: منحكي تتغيّر او منغيّر ت فينا نحكي؟؟؟

رد رقم ١ منى:

عوافه! بدي أشكرك عل مداخلتي الحلوة وع الكلمة يلي خجلتني فيا 😊. وبدي حبيك على محاولة إسقاط مقولة "أنصر أخاك ولو ظالمًا" وبمطالبة محاكمة أي فاسد ولو معمم، هاي بدا جرأة عنا بهل منطقة من العالم.

(٣) بدي نوّه انو مشكلة لبنان منا بالدين إنما بالدنيا أي بالثقافة (أي الأجواء والعادات والتقاليد رغم جزء مشترك بين اللبنانيين) وقد اختلطت الأمور ع الناس وكأن كل اللبنانيين بثقافة واحدة والفارق هو بالمعتقد الديني فقط. فلبنان ليس فسيفساء دينية بل أكثر بكثير، فسيفساء ثقافية - حضارية.

وبدي نوّه، دون أن أناقش الفدرالية هون، انو الفدرالية ما إلها علاقة بالمساحة (راجع لائحة الدول الفدرالية). لا بل لم يتصارع أي مكون مع مكون آخر في الدول التي اعتمدت الفدرالية (راجع حتى الهند (بمعزل عن كشمير مع باكستان)).

بموضوع تأسفك على كلام البطريرك هيدا حقك وأنا بدافع عن حرية رأيك لأنك محترم وبقلك ممكن نتناقش بس مش هون لأن الموضوع بدو "دردشة" وإلو أبعاد أنا شخصيًا بعنقد أنك مش شايفها لأن تم طمسها (مش لأن المشكلة فيك 😊 العوذ بالله!) فما تطالب بإعدام حدّا لأن قد لا تكون كل الحقايق قدامك.

وانت بتعرف انو كلامي مش مساومة على أي شبر، أنا بجادل بالخط الأزرق والأخضر والقرى السبع لا بل ال٢٥ والعجر والنخيلة! بس قصة الاتهام بالعمالة لإسرائيل أخذت حيز كبير لا يجوز به، حرام. في خونة إيه، بس مش عن أبو جنب... ع كل حال... رجاء عالبوست وفكر شو قصدك بوطن وهل وطن = بلد؟ وهل الوطن إلك هو نفس الوطن لغيرك؟ يمكن رؤيتك هي الأصح، بس أنا ما بدي تجاوبني، شي يوم منحكي: هدفي قول للقراء انو في كثير مسائل بدا توضيح مشان يقدر أي لبناني يطرح رؤيتو وي طرح حل.

بالنسبة لآخر مقطع راجع جوابي أعلاه لخينا حسن. وبالنسبة لآخر جملة، إذا أنا وياك وحسن والمعلقين هون ورغم الآراء المختلفة همنا لبنان، أقولها بالفم الملآن: الأمل موجود! 🙏

رد رقم ٢ منى:

مشان ما ينقال انا موافق ع كل ما هو مكتوب. وبزات الوقت، انا تركيزي عل بوست وما بدي ناقش مواضيع ثانية، وإن مهمة، لأن هيك مواضيع خرج نقاش وج ب وج. فأنا ح أكتب كم شغلة بس تقول للقراء أنو في وجهة نظر ثانية ل بعض ما أوردته حضرته حول تقديم سوريا العون لنا بوج إسرائيل، ودون خوض النقاش:

(١) في وجهة نظر أنو "عم يعطونا" ما بتشمل اللبنانيي إنما فئة وحدة من طائفة وحدة.

(٢) في فئة عانت من الاحتلال السوري أكثر مما عانت فئة ثانية من الاحتلال الإسرائيلي (حيث سيطرت سوريا على سياسة ومالية الدولة عدا طبعاً كل المآسي الأخرى إساءة بإسرائيل) ويسألون: أين ساعدتنا سوريا؟

(٣) في رأي يقول أن المساعدة الفئوية أدت إلى قلب التوازنات السياسية الداخلية وأضحت لكثيرين بمثابة "تدخل".

(٤) موضوع علاقة حزب الله بسياسة لبنان الداخلية في كمان وجهة نظر معاكسة لما تقوله. أهم شيء أنا على يقين أنو هيك حوار حبي لازم يكون سمة التواصل بين اللبنانيين! دمت 😊

رد رقم ٣ مني:

وانا حكون صريح معك وبتعرف معزتك عندي!

(١) اول جملي صح ١٠٠ بل ١٠٠.

(٢) ثاني جملي صح ١٠٠ بل ١٠٠.

(٣) بالنسبة للباقي: راجع كل البوست تبقي: لو إنو ما في ولا اي دولة طمعاني، هل نحن بالف خير؟ عم ناكل بعض فبين وبلاهن.

(٤) دون تنفيذ الصبح من الغلط، في كمان ناس بقولوا سوريا والسعودية وإيران ويمكن روسيا. وما ح استفيض بالتفاصيل لان مش الهدف هون. النقطة انو وجهتك في مقابل الها.

(٥) ع كل حال النتيجة انو لازم نعرف حجمنا ونشوف كيف فينا نركب الموج بلا ما نغرق، مع العلم انو في كلفة معينة بدنا ندفع لان حجمنا (مساحة وسكان) زغير. هيدا واقع. وفينا ازا متفاهمين سوا داخلياً ندفع التمن الزغير يلي لا مفر منه دون انو ننبطح للاقوى منا ونكون خاضعين وذميين.

أخيراً راجع ركز عال پوست: اي لبناني بدو يحل مشكلة لبنان ويطرح حلول، ألا يستأهل الامر انو يكون مضطلع ع هل مواضيع قبل ما يفكر بحل؟ هيدا هدف...

تحياتي يا شيخ الشباب وخلينا ع تواصل 😊

رد على من أحدهم من آل الأشقر من غير بلدتي ولا أعرفه شخصياً إنما افتراضياً:

قبل كل شيء اشكركم على هكذا حوار حضاري يليق بلبنانيين يحتفلون كما يفترض بالمئوية الاولى وسلامي وشكري لمارك الاشقر ابن العيلة اللي فتح هالمجال.

استمعوا الي جيداً العدو الاساسي الاول والاخير للبنان وللعالم وللمسيحيين خصوصاً هم اسرائيل والصهاينة واليهود وقد وضعتهم بالترتيب اسرائيل لانها اليوم الكيان المقنون الذي به تحارب الصهيونية به العالم كله وهم لا يدرون ماذا يحصل، وما سيأتي وبعدها الصهاينة الذين بعقيدهم يديرون الامور العالمية من اجل دمار العالم وسيطرتهم عليه، وبعدها اليهود الذين بعقيدهم الايمانية المنتهية صلاحياتها بقدم يسوع المسيح وقيامته ومحاربتهم له كونهم أصبحوا جيش الشيطان في هذا العالم، سياسته صهيونية ودولته اسرائيل.

هذا ما أؤمن به أنا المسيحي الذي انتمي الى التيار الفكري القومي اللبناني المسيحي. وسؤالك اكيد لماذا قومي مسيحي. للأسف وباختصار لان العقيدة الاسلامية المسيطرة والمتنامية المتمزعة الرافضة للآخر ان كان مسلما او مسيحيا تهدد كياني اللبناني، ونحن ابناؤه واولياء هذا الوطن وان كان سيكتب لنا استمرارية المقاومة في سبيل البقاء فلن نترك فرصة لذلك.

ولأسف إيران وتوجهات أدواتها تأخذ حيزا كبيرا من التوجهات المتمزعة لداعش وربيباتها وان لم تعلنها حتى الساعة، ولكن تطبيقها في اماكن وجودها وتواجدها. ولن نقبل علينا اية سياسة الغاء مهما كانت ولاية جهة كانت. ولبنان اساسا وجد لطمأنئة المسيحيين في كيان تاريخي لهم لكيلا ينافسهم أحد في الوجودية، فأصبحت كافة القوى تريد مرة وحدة عربية ومرة جمهورية اسلامية في لبنان تابعة لإيران ومرة شبه مقاطعة يهودية تدين بالولاء لإسرائيل، والجميع تحت التجربة يريدون الغائنا للأسف مع اننا ابناؤه نور وحضارة وعلم وثقافة وحرية وسيادة واستقلال. يريدوننا ابناؤه ظلام وانا باستطاعتي مناقشتكم حول الترابط الوثيق بين إيران واسرائيل ولا يحاول ان يقتعني أحد ان تحالفا فارسيا يهوديا منذ ٢٥٠٠ سنة قائم أصبح الآن عداوة ابداء. وحدة مصير بينهما ووحدة اهداف ووحدة نهاية ازمة ووحدة دينونة. وعذرا لكل ما ذكرت فقط لأقول باني وكافة القوى المسيحية على توافق او تحالف او تنسيق مع اسرائيل لا سمح الله كما يزعمون. وان حصل هذا الامر فاستثناء وعلى قاعدة التحالف مع الشيطان للبقاء وكان فعلا التحالف مع الشيطان سابقا.

رد رقم ٤ مني، متوجّهاً به إلى السيد أشقر:

كل الشكر لكلمتك الحلوة ابن العم وانشاء الله منتعرف عن قرب قريباً! وتانيًا أكبر احتفال بمئوية لبنان الجمهورية هو نحكي يلي بقلبنا بحب تنتهي التكاذب وتدوير الزوايا ونكون علميين بمقاربة مشاكلنا وصريحين وأهم شي محبين، فالمحبة قبل كل شيء.

١) صحيح أننا كمسيحيين عنا مشكلة مع اليهود دينيا، لكننا دنيوياً صح نحنا ككنعانيين عنا مشكلة مع الصهيونية واسرائيل بمعنى العبرانيين يلي هني طردوا أجدادنا من الأرض يلي صار اسما لاحقاً فلسطين، يلي كانت جزء من بلاد كنعان، حتى غزة، وخرجوا عن الديانة السماوية الكنعانية وأسسوا الديانة اليهودية (راجع سفر التكوين الإصحاح ١٤)، فالكنعانيون كان عندن "إيل" خالق السماوات والأرض و: "إيل" أصبح "الله" بالعربية).

٢) صح علينا مناقشة المقاربة الإسلامية مع المسلمين أنفسهم فيما يخص النية التوسعية التي بدأت مع الفتوحات وما إذا لا تزال معمرة ... هيدا موضوع كثير حساس وبدو حب كثير وجرأة كثير وصراحة كثير وهو لا يعني أنا وإنت وحسن ومحمد فقط عصعيد فردي بل يعني عموم اللبنانيين... ولن أدخل الآن في مناقشة داعش وولاية الفقيه وغيرهما.. فقط القول بأن إيران حيّت أردوغان فيما خص آية صوفيا.. ماشي..

٣) صح التحالف الفارسي الإسرائيلي استمر بعد الثورة الإسلامية في إيران إيران ورأينا ذلك إبان حرب الخميني وصدام في قضية إيران غايت والكونترا حيث اشترت إيران سلاح من إسرائيل بمئات ملايين الدولارات.. لو ما ذكرت هالشي أنا ما كنت جبت سيرة لأن مش هدفي نكء جراح هون، كل شي بينقال بظرفه لأن المصارحة لتتجج بدا حب وابتسامة ومسامحة وتخطي، أو بلاها. بس جبت سيرة تقول معك حق وأكد للشباب أن الجيل الجديد (لأي جهة انتموا) يملك جزء صغير من الحقائق ويبنون عليها مواقفهم لأن معظم الحقائق تم طمسها... لدرجة إذا سمعوا شي دغري بقولوا: مستحيبييل!

٤) صح ولا مرة يسأل من يتهم المسيحيين بالعمالة ليش يا خيي خانونا؟ بس هيك وساخة؟ أو يا هيك يا كانوا انتهوا على يد القوات السورية والفلسطينية وحلفاء؟ لهيك نطلب من الجميع الحشرية لمعرفة لماذا يأخذون هذا الموقف أو ذاك في كل المواضيع وعدم الاكتفاء بترداد ما قيل لهم.. ناهيك عن تعامل عدة طوائف مع اسرائيل خلال الحرب، كلّ لضرورتها.. ع كل حال شكرًا للنقاش الصريح والحيي للجميع. أنا فخور بمعرفتكن! 🙏